

**REUNIÓN DA COMISIÓN 7ª,  
AGRICULTURA, ALIMENTACIÓN,  
GANDARÍA E MONTES**

Día: 21.06.2018

Hora: 10:30

A Comisión 7ª, Agricultura, Alimentación, Gandaría e Montes, da que vostede forma parte, reunirase o próximo día 21 de xuño de 2018, ás 10:30 horas, no pazo do Parlamento.

A orde do día é a seguinte :

**Punto único: Proposicións non de lei**

- 1.1 28953 (10/PNC-002291)  
Grupo Parlamentario Popular de Galicia  
Blanco Paradelo, Moisés e 12 máis  
Sobre o establecemento polo Goberno galego dunha convocatoria anual dun concurso de proxectos en materia agroforestal para poñer en valor aqueles que destaquen polo seu carácter innovador. (Procedemento de urxencia)  
*Publicación iniciativa carácter urxencia, BOPG n.º 289, do 11.04.2018*
- 1.2 29197 (10/PNC-002312)  
Grupo Parlamentario de En Marea  
Rodríguez Estévez, David e Quinteiro Araújo, Paula  
Sobre a demanda polo Goberno galego ao Goberno central da inclusión de todas as variedades de eucalipto no Catálogo estatal de especies exóticas e invasoras, así como a elaboración dun protocolo de control e substitución das plantacións que favoreza a implantación das especies autóctonas  
*Publicación da iniciativa, BOPG n.º 293, do 18.04.2018*
- 1.3 31183 (10/PNC-002516)  
Grupo Parlamentario do Bloque Nacionalista Galego  
Rivas Cruz, José Luis e 5 máis  
Sobre as actuacións que debe levar a cabo a Xunta de Galicia en relación coa loita biolóxica contra a praga da nespriña do castiñeiro, mediante a solta masiva do parasito "Torymus sinensis"  
*Publicación da iniciativa, BOPG n.º 312, do 30.05.2018*
- 1.4 31235 (10/PNC-002522)  
Grupo Parlamentario de En Marea  
Rodríguez Estévez, David e Sánchez García, Antón  
Sobre as medidas que debe adoptar a Xunta de Galicia en relación coa aplicación das melloras das condicións laborais na empresa pública Seaga  
*Publicación da iniciativa, BOPG n.º 312, do 30.05.2018*

- 1.5 31261 (10/PNC-002525)  
Grupo Parlamentario dos Socialistas de Galicia  
Pérez Seco, José Manuel e Quiroga Díaz, José Antonio  
Sobre a creación dunha comisión técnica de seguimento da "Vespa velutina" ou tártago de patas amarelas  
*Publicación da iniciativa, BOPG n.º 312, do 30.05.2018*
- 1.6 31670 (10/PNC-002568)  
Grupo Parlamentario dos Socialistas de Galicia  
Quiroga Díaz, José Antonio e Pérez Seco, José Manuel  
Sobre as actuacións que debe levar a cabo o Goberno galego en relación coa investigación dirixida á produción do parasito "Torymus sinensis" na cantidade necesaria para afrontar a praga da avespina do castiñeiro, así como o seu avance e impacto  
*Publicación da iniciativa, BOPG n.º 316, do 06.06.2018*
- 1.7 31716 (10/PNC-002577)  
Grupo Parlamentario do Bloque Nacionalista Galego  
Rivas Cruz, José Luis e 5 máis  
Sobre as actuacións que debe levar a cabo o Goberno galego en relación coa empresa pública Seaga, a experiencia e as condicións laborais do seu persoal  
*Publicación da iniciativa, BOPG n.º 316, do 06.06.2018*

Os grupos parlamentarios poderán presentar emendas ás proposicións non de lei ata seis horas antes do inicio da sesión, o abeiro do disposto no artigo 161.2 do Regulamento.

O que lle comunico para o seu coñecemento e a súa convocatoria á devandita reunión.

Santiago de Compostela, 15 de xuño de 2018

Moisés Blanco Paradelo  
Presidente da Comisión

**Asinado dixitalmente por:**

**Moisés Blanco Paradelo na data 15/06/2018 13:05:44**

# RELACIÓN DE MEMBROS DE COMISIÓN 7ª, AGRICULTURA, ALIMENTACIÓN, GANDARÍA E MONTES

POR ORDE ALFABÉTICA

## Mesa

Presidente	
Moisés Blanco Paradelo	P
Vicepresidente	
Daniel Vega Pérez	P
Secretario	
José Manuel Pérez Seco	S

## Vogais

Raquel Arias Rodríguez	P
Silvestre José Balseiros Guinarte	P
Carlos Gómez Salgado	P
José González Vázquez	P
Jesús Miguel Prado Patiño	P
José Antonio Quiroga Díaz	S
José Luis Rivas Cruz	BNG
David Rodríguez Estévez	EM
Antón Sánchez García	EM

Reunión da Comisión 7ª, Agricultura, Alimentación, Gandería e Montes

Día: 21.06.2018

Hora: 10:30

Orde do día

1. Proposicións non de lei

**Reunión da Comisión 7ª, Agricultura, Alimentación, Gandaría e Montes**

**Día: 21.06.2018**

**Hora: 10:30**

**Orde do día**

1.1 28953(10/PNC-002291)

Grupo Parlamentario Popular de Galicia

Blanco Paradelo, Moisés e 12 máis

Sobre o establecemento polo Goberno galego dunha convocatoria anual dun concurso de proxectos en materia agroforestal para poñer en valor aqueles que destaquen polo seu carácter innovador. (Procedemento de urxencia)

*Publicación iniciativa carácter urxencia, 289, 11.04.2018*

## **A Mesa do Parlamento**

O **Grupo Parlamentario Popular de Galicia** a través do seu **Portavoz** e por iniciativa dos deputados e deputadas, **Moisés Blanco Paradelo, José González Vázquez, Encarna Amigo Díaz, Raquel Arias Rodríguez, Silvestre Balseiros Guinarte, Carlos Gómez Salgado, Daniel Vega Pérez, María Antón Vilasánchez, Isabel Novo Fariña, Marta Nóvoa Iglesias, Cristina Romero Fernández, Miguel Tellado Filgueira e Sandra Vázquez Domínguez**, ao abeiro do disposto no artigo, 98, 160 e concordantes do Regulamento da Cámara, presenta ante esa Mesa, a seguinte **proposición non de lei para o seu debate na Comisión 7ª, Agricultura, Alimentación, Gandería e Montes** polo trámite de **urxencia**.

### **Xustificación da urxencia**

A urxencia ven motivada pola necesidade de que o Parlamento de Galicia se posicione canto antes sobre esta cuestión.

### **Exposición de motivos**

Tal é a importancia que a innovación está tendo en todos os eidos da nosa sociedade que foi incorporada como unha nova política pública, ao mesmo nivel que a social ou a ambiental nas novas Directivas Europeas.

A innovación, entendida como a fórmula para atopar novas e mellores maneiras de facer as cousas, ben a través de desenvolver un produto, servizo, procesos de produción ou construción, así como, novos métodos de comercialización, ou novas formas de organización.

Deste xeito, tanto a investigación como a innovación atópanse entre os principais motores do crecemento futuro e ocupan un lugar central da Estratexia Europa 2020, na



GRUPO PARLAMENTARIO  
POPULAR DE GALICIA



PARLAMENTO DE GALICIA  
REXISTRO XERAL ENTRADA  
Data asento: 06/04/2018 16:30  
Nº Rexistro: 28953  
Data envío: 06/04/2018 14:07:02.615

que queda perfectamente contemplado que "*todas as autoridades públicas europeas teñen a responsabilidade de favorecer a innovación cando producen e consumen bens e servizos*".

E para elo, contan con diferentes ferramentas para estimular novas solución tecnolóxicas, ao tempo que axudan a crear postos de traballo e a aumentar a competitividade das industrias e das PEMES, así como a mellora da eficiencia e a calidade dos servizos públicos.

A política de innovación en Galicia para o período 2014-2020, quedou establecida na Estratexia de Especialización Intelixente (RIS3), e a través de diferentes programas, plans e ordes de axuda se está levando a cabo dun xeito transversal.

Convencidos, dende o Grupo Popular, de que esta ten que ser a lexislatura do RURAL, nesta proposición non de lei queremos referirnos dun xeito concreto a un dos sectores estratéxicos para a economía galega, como é o agroforestal. Un sector que xera milleiros de postos de traballo e da sustento a moitas familias galegas, pero que estamos convencidos de que aínda pode e ten que coller un pulo maior .

Por iso, pretendemos que se continúen estimulando, impulsando e promovendo proxectos que destaquen polo seu carácter innovador, pero que nesta ocasión sexa a través dun concurso anual.

Un concurso que sirva para estimular a transferencia de coñecementos e tecnoloxía, aplicados a produtos e/ou procesos que melloren e modernicen o eido agroforestal e a súa capacidade produtiva.

Contribuíndo, deste xeito, a dar visibilidade e impulso aos proxectos presentados e a xerar condicións favorables para a súa posta en marcha, cun intercambio de coñecementos, conformando un ambiente proclive á innovación e o emprendedorismo.

Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
gp-pp@parlamentodegalicia.es  
www.ppdeg Galicia.com





**GRUPO PARLAMENTARIO  
POPULAR DE GALICIA**



**PARLAMENTO DE GALICIA  
REXISTRO XERAL ENTRADA  
Data asento: 06/04/2018 16:30  
Nº Rexistro: 28953  
Data envío: 06/04/2018 14:07:02.615**

Por todo o anteriormente exposto, o Grupo Parlamentario Popular, presenta a seguinte proposición non de lei en Comisión:

“O Parlamento de Galicia insta á Xunta de Galicia a establecer unha convocatoria anual dun concurso de proxectos en materia agroforestal para poñer en valor aqueles que destaquen polo seu carácter innovador”.

Santiago de Compostela, 6 de abril de 2018

**Asinado dixitalmente por:**

**Pedro Puy Fraga na data 06/04/2018 14:01:27**

**Moisés Blanco Paradelo na data 06/04/2018 14:01:40**

**José González Vázquez na data 06/04/2018 14:01:46**

**María Encarnación Amigo Díaz na data 06/04/2018 14:01:54**

**Raquel Arias Rodríguez na data 06/04/2018 14:02:00**

**Silvestre Balseiros Guinarte na data 06/04/2018 14:02:07**

**Carlos Gómez Salgado na data 06/04/2018 14:02:14**

**Daniel Vega Pérez na data 06/04/2018 14:02:23**

**María Antón Vilasánchez na data 06/04/2018 14:02:35**

**María Isabel Novo Fariña na data 06/04/2018 14:02:42**

**Marta Novoa Iglesias na data 06/04/2018 14:02:49**

**Cristina Isabel Romero Fernández na data 06/04/2018 14:02:58**

**Miguel Ángel Tellado Filgueira na data 06/04/2018 14:03:17**

Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
gp-pp@parlamentodegalicia.es  
www.ppdeg Galicia.com



GRUPO PARLAMENTARIO  
POPULAR DE GALICIA



PARLAMENTO DE GALICIA  
REXISTRO XERAL ENTRADA  
Data asento: 06/04/2018 16:30  
**Nº Rexistro: 28953**  
Data envío: 06/04/2018 14:07:02.615

**Sandra Vázquez Domínguez na data 06/04/2018 14:03:30**

Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
gp-pp@parlamentodegalicia.es  
www.ppdegalicia.com

**Reunión da Comisión 7ª, Agricultura, Alimentación, Gandaría e Montes**

**Día: 21.06.2018**

**Hora: 10:30**

**Orde do día**

1.2 29197(10/PNC-002312)

Grupo Parlamentario de En Marea

Rodríguez Estévez, David e Quinteiro Araújo, Paula

Sobre a demanda polo Goberno galego ao Goberno central da inclusión de todas as variedades de eucalipto no Catálogo estatal de especies exóticas e invasoras, así como a elaboración dun protocolo de control e substitución das plantacións que favoreza a implantación das especies autóctonas

*Publicación da iniciativa, 293, 18.04.2018*

## Á MESA DO PARLAMENTO

O Grupo Parlamentario de En Marea, a iniciativa do seu deputado **Davide Rodríguez Estévez** e da súa deputada **Paula Quinteiro Araujo**, ao abeiro do disposto no artigo 160 do Regulamento da Cámara, presenta a seguinte **Proposición non de lei** para o seu debate na **Comisión 7.<sup>a</sup>**, sobre o informe do Ministerio de Agricultura, Pesca e Medio Ambiente de incluír tódalas variedades de eucalipto no Catálogo Estatal de Especies Exóticas e Invasoras.

### EXPOSICIÓN DE MOTIVOS:

O Comité Científico do Ministerio de Agricultura, Pesca e Medio Ambiente pronunciouse recentemente a favor de incluír tódalas variedades de eucalipto no Catálogo Estatal de Especies Exóticas e Invasoras. Fíxoo nunha resolución adoptada por unanimidade na que alerta dos efectos prexudiciais que o eucalipto ten para contorna natural. O ditame, elaborado a petición do concello de Teo, non deixa lugar a dúbidas acerca da necesidade de poñerlle coto a esta perigosísima especie arbórea.

O resumo do escrito é ben claro:

“Constatado cos datos científicos dispoñibles o carácter invasor das especies *Eucalyptus* naturalizadas no noso país, conclúese que se debería incluír no Catálogo Español de Especies Exóticas Invasoras [...] a tódalas especies [...]. Recoméndase extremar a precaución con novas introducións e plantacións, e recoméndase un seguimento local e levar a cabo medidas de erradicación antes de que se produza a invasión sempre que se observe naturalización de calquera especie *Eucalyptus* no noso territorio”.

No texto reconécese que tódalas especies de eucalipto “se consideran óptimas para o seu cultivo debido ao seu rápido crecemento e a súa gran adaptabilidade a diferentes tipos de solos e climas”. Porén, advírtese que “estas mesmas características e outras máis da súa bioloxía e fisioloxía fanas nocivas para o medio natural dos lugares onde se cultiva e se naturalizan”.

Entre os problemas que causa o eucalipto, a resolución do Comité Científico sinala:

- O empobrecemento das cadeas tróficas pola dificultade de descomposición das follas.
- A alteración das propiedades físico-químicas, bioquímicas e microbiolóxicas do solo, que diminúe o balanço hídrico do chan.
- A actividade allopática, que dificulta que xerminen outras especies.
- A perda de biodiversidade vexetal e animal, así como o aumento do risco de instalación doutras especies invasoras dos estratos arbustivos e herbáceos.
- A capacidade para colonizar espazos abertos, sobre todo tralos incendios, desprazando ás colonizadoras autóctonas.
- A dificultade da súa erradicación cando as especies se naturalizan, cos conseguintes custos para a economía nacional, rexional e local.
- O elevado risco de incendios que entrañan pola súa particular susceptibilidade a arder.

A pesar de todo isto, o borrador para a revisión do plan forestal galego de 1992 inclúe un incremento da superficie de eucaliptos do 8, 12%, isto é, de 25.000 hectáreas, o que supón unha negligencia política e medioambiental de primeira magnitude. Tralo incremento, a superficie de eucaliptos sería de 332.984



hectáreas, un 16,4% do monte galego, tal e como informou o propio director xeral de Ordenación Forestal, Tomás Fernández-Couto.

O borrador do novo plan forestal pon de manifesto que a Xunta de Galicia non aprendeu absolutamente nada dos incendios do pasado outubro. Continúa insistindo nos mesmos erros que propiciaron a inmensa traxedia, cuxos efectos aínda hoxe continuamos padecendo. Polo ben da nosa contorna, e da propia seguridade dos galegos e galegas, é preciso que se muden as actuais políticas forestais e se dean pasos firmes e decididos cara unha ordenación racional do territorio.

Por todo o exposto anteriormente, o Grupo Parlamentario de En Marea presenta a seguinte Proposición non de lei para o seu debate na Comisión 7.<sup>a</sup>

O Parlamento galego insta a Xunta de Galicia a:

1. Esixir ao Goberno do Estado que inclúa a tódalas variedades de eucalipto no Catálogo Estatal de Especies Exóticas e Invasoras.
2. Elaborar un protocolo de control e substitución das plantacións de eucalipto, que favoreza a maior implantación das especies autóctonas.

Santiago de Compostela, 10 de abril de 2018.

Asdo.: Davide Rodríguez Estévez  
Paula Quinteiro Araújo  
Deputado e deputada do G.P. de En Marea  
Luís Villares Naveira  
Voceiro do G.P. de En Marea.



**PARLAMENTO DE GALICIA**  
**REXISTRO XERAL ENTRADA**  
**Data asento: 10/04/2018 17:41**  
**Nº Rexistro: 29197**  
Data envío: 10/04/2018 17:41:58.774

**Asinado dixitalmente por:**

**David Rodríguez Estévez na data 10/04/2018 17:20:38**

**Paula Quinteiro Araújo na data 10/04/2018 17:20:48**

**Luis Villares Naveira na data 10/04/2018 17:20:56**

Reunión da Comisión 7ª, Agricultura, Alimentación, Gandaría e Montes

Día: 21.06.2018

Hora: 10:30

Orde do día

1.3 31183(10/PNC-002516)

Grupo Parlamentario do Bloque Nacionalista Galego

Rivas Cruz, José Luis e 5 máis

Sobre as actuacións que debe levar a cabo a Xunta de Galicia en relación coa loita biolóxica contra a praga da nespriña do castiñeiro, mediante a solta masiva do parasito "Torymus sinensis"

*Publicación da iniciativa, 312, 30.05.2018*





OFICINA PARLAMENTAR  
Parlamento de Galiza  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



PARLAMENTO DE GALICIA  
REGISTRO XERAL ENTRADA  
Data asento: 21/05/2018 17:14  
Nº Rexistro: 31183  
Data envío: 21/05/2018 17:14:15.245

### Á Mesa do Parlamento

O Grupo Parlamentar do Bloque Nacionalista Galego (BNG), a iniciativa das deputadas e deputados **Xosé Luis Rivas Cruz, Montserrat Prado Cores, Luis Bará Torres, Ana Pontón Mondelo, Olalla Rodil Fernández e Noa Presas Bergantiños**, ao abeiro do disposto no Regulamento da Cámara, presenta a seguinte **Proposición non de lei para o seu debate en Comisión.**

#### EXPOSICIÓN DE MOTIVOS

Xa ninguén dubida da gravidade da praga da nesperiña do castiñeiro tanto pola súa extensión xeográfica coma pola intensidade desta e dos danos que está a ocasionar nos soutos consolidados e nas plantacións que se están a facer de novo.

Nesta Comisión 7ª afirmouse recentemente a preguntas deste grupo parlamentario que a solta de *Torymus* este anos en curso sería de 1.600.000 individuos.

As novas aparecidas na prensa destes días falan de 750.000 individuos sen que se dean razóns para esta diminución.

Pero o que máis chama a atención é o secreto con que se levan a cabo as soltas. Non hai notificación das zonas onde se realizan nin instrucións ó respecto para os propietarios de soutos e novas plantacións.

Noutras Comunidades Autónomas onde se realizaron soltas de *Torymus* si hai divulgación de como facer para non interferir no desenvolvemento do individuo e favorece-la súa expansión e eficacia.



BLOQUE  
NACIONALISTA  
GALEGO

OFICINA PARLAMENTAR

Parlamento de Galicia

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



PARLAMENTO DE GALICIA  
REXISTRO XERAL ENTRADA  
Data asento: 21/05/2018 17:14  
Nº Rexistro: 31183

Data envío: 21/05/2018 17:14:15.245

Por todo o exposto, o Grupo Parlamentar do BNG presenta a seguinte proposición non de lei para debate na Comisión 7ª:

“O Parlamento galego insta á Xunta de Galiza a:

-Facilitar ós concellos onde se realizaron as soltas, as instrucións necesarias, organizando charlas divulgativas das boas prácticas coa poda, lume, pesticidas e outras que se consideren oportunas co gallo de favorecer a instalación e permanencia de poboacións activas de *Torymus sinensis*.

-Realizar un estudo da expansión da praga neste ano e a intensidade da mesma para facer novas soltas de *torymus* á maior brevidade.

-Face-las previsións de compra, acopio ou encomenda de exemplares suficientes deste predador da nesperiña para o ano próximo.”

Santiago de Compostela, 21 de maio de 2018

Asdo.: **Xosé Luis Rivas Cruz**

**Montserrat Prado Cores**

**Noa Presas Bergantiños**

**Olalla Rodil Fernández**

**Luis Bará Torres**

Deputadas e deputados do G.P. do BNG

**Ana Pontón Mondelo**

Portavoz do G.P. do BNG



BLOQUE  
NACIONALISTA  
GALEGO

OFICINA PARLAMENTAR  
Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REXISTRO XERAL ENTRADA**  
**Data asento: 21/05/2018 17:14**  
**Nº Rexistro: 31183**  
Data envío: 21/05/2018 17:14:15.245

**Asinado dixitalmente por:**

**Xose Luis Rivas Cruz na data 21/05/2018 17:13:27**

**María Montserrat Prado Cores na data 21/05/2018 17:13:32**

**Olalla Rodil Fernández na data 21/05/2018 17:13:34**

**Noa Presas Bergantiños na data 21/05/2018 17:13:35**

**Xosé Luis Bará Torres na data 21/05/2018 17:13:36**

**Ana Pontón Mondelo na data 21/05/2018 17:13:41**

Reunión da Comisión 7ª, Agricultura, Alimentación, Gandaría e Montes

Día: 21.06.2018

Hora: 10:30

Orde do día

1.4 31235(10/PNC-002522)

Grupo Parlamentario de En Marea

Rodríguez Estévez, David e Sánchez García, Antón

Sobre as medidas que debe adoptar a Xunta de Galicia en relación coa aplicación das melloras das condicións laborais na empresa pública Seaga

*Publicación da iniciativa, 312, 30.05.2018*



## Á MESA DO PARLAMENTO

O Grupo Parlamentario de En Marea, a iniciativa dos seus deputados **Davide Rodríguez Estévez** e **Antón Sánchez García**, ao abeiro do disposto no artigo 160 do Regulamento da Cámara, presenta a seguinte **Proposición non de lei, para o seu debate na Comisión 7.<sup>a</sup>**, sobre as melloras que se deben de acometer nas condicións das traballadoras e traballadores da empresa pública SEAGA.

### EXPOSICIÓN DE MOTIVOS

SEAGA é unha empresa pública creada pola Xunta de Galiza no ano 2006 para a realización, como medio propio da Administración galega, e ao seu servizo, de todo tipo de actuacións, obras, traballos e prestacións de servizos en materias forestais, especialmente as relacionadas coa prevención e loita contra os incendios forestais en particular e, en xeral, intervencións de carácter urxente relacionadas cos lumes forestais.

No dispositivo de prevención e extinción de incendios forestais conviven diversos actores, pero á hora do ataque directo na primeira liña de lume atópase o persoal que dirixe as tarefas (axentes e técnicos fundamentalmente) e o persoal que se enfrenta ás lapas: brigadas contratadas directamente pola Consellería de Medio Rural e brigadas contratadas a través da empresa pública SEAGA.

Non existe diferenza ningunha entre estes dous tipos de traballadores e traballadoras á hora da extinción dos lumes forestais, están baixo o mesmo mando e actúan conxuntamente.

Pero si existen varias diferenzas previas posteriores:



- O persoal contratado directamente pola Consellería está incluído no V Convenio Colectivo do Persoal Laboral da Xunta de Galicia.
- O persoal contratado a través de SEAGA non ten convenio nin se lle aplica o V Convenio. Aplícaselle o Estatuto dos Traballadores excepto, curiosamente cando se trata de reducir o salario pola aplicación dos recortes salariais aos empregados públicos.
- Os salarios dos traballadores de SEAGA son inferiores aos do persoal contratado directamente. Non se lles recoñece o tempo traballado en SEAGA para acceder ás listas de contratación da Xunta de Galicia.
- Aos traballadores de SEAGA a empresa obrígaos, mediante un protocolo imposto que denunciaron ante a inspección de traballo, a realizar na mesma xornada tarefas de prevención e extinción, co risco que isto supón para a seguridade e a merma de efectividade na extinción dos lumes. Teñen constatadas xornadas laborais de 4 horas de traballo de prevención, máis 8 de extinción.

En resumo, realizan as mesmas funcións que os seus compañeiros e compañeiras do Servizo de Prevención e Extinción de Incendios Forestais (SPDCIF), pero cobran menos, teñen menos dereitos, teñen contratos de menor duración, teñen que realizar tarefas de prevención e extinción na mesma xornada e ademais non se lles recoñece o tempo traballado.

Desde os Comités de Empresa e a título individual, os traballadores-as denunciaron e gañaron sentenzas que lles recoñecen dereitos do V Convenio único do Persoal Laboral da Xunta de Galicia, están agardando resolución da Inspección de Traballo polo protocolo que lles obriga a duplicar tarefas e están demandando ante a dirección de SEAGA e ante Función Pública que se lles aplique a disposición transitoria sexta da LOFAXGA, que di:



*“En relación co persoal regulado no título III desta lei cuxo réxime xurídico lle asigne retribucións inferiores ás establecidas no convenio colectivo do persoal da Xunta de Galicia para as correspondentes categorías procederase, nun prazo de dous anos desde a aprobación desta lei, a negociar coas organizacións sindicais presentes na Mesa Xeral de Empregados Públicos a aplicación do convenio colectivo do persoal laboral da Xunta de Galicia”.*

Esta lei é a 16 / 2010 de 17 de decembro, co cal van case 5 anos desde a súa aprobación.

Por todo o exposto o Grupo Parlamentario de En Marea presenta a seguinte Proposición non de lei para o seu debate en Comisión:

O Parlamento de Galicia insta a Xunta de Galicia a:

- 1) Aplicar unha subrogación ás traballadoras e traballadores de Seaga incluíndo a estas e a estes no SPDCIF.
- 2) Recoñecer o tempo traballado en SEAGA, tres meses por ano (tempada máximo risco) á hora de acceder ás listas de contratación da Xunta de Galicia.
- 3) Reunirse de forma urxente co Comité de Empresa de SEAGA.

Santiago de Compostela, 22 de maio de 2018.

Asdo.: Davide Rodríguez Estévez

Antón Sánchez García

Deputado e voceiro s. do G.P. de En Marea



**PARLAMENTO DE GALICIA**  
**REGISTRO XERAL ENTRADA**  
**Data asento: 22/05/2018 13:33**  
**Nº Rexistro: 31235**  
Data envío: 22/05/2018 13:33:34.619



**Asinado dixitalmente por:**

**David Rodríguez Estévez na data 22/05/2018 13:26:28**

**Antón Sánchez García na data 22/05/2018 13:26:38**



**Reunión da Comisión 7ª, Agricultura, Alimentación, Gandaría e Montes**

**Día: 21.06.2018**

**Hora: 10:30**

**Orde do día**

1.5 31261(10/PNC-002525)

Grupo Parlamentario dos Socialistas de Galicia

Pérez Seco, José Manuel e Quiroga Díaz, José Antonio

Sobre a creación dunha comisión técnica de seguimento da  
"Vespa velutina" ou tártago de patas amarelas

*Publicación da iniciativa, 312, 30.05.2018*



Grupo Parlamentario

Á Mesa do Parlamento

Partido dos  
Socialistas  
de Galicia

O Grupo Parlamentario dos Socialistas de Galicia, por iniciativa dos seus deputados, José Manuel Pérez Seco e José Antonio Quiroga Díaz, a través do portavoz e ao abeiro do disposto no artigo 160 do Regulamento da Cámara, presenta ante esa mesa a seguinte proposición non de lei para o seu debate na Comisión 7ª.

A situación provocada nos últimos anos polo asentamento definitivo da avésa velutina en Galicia está a coller uns niveis alarmantes que afectan de xeito notable ás expectativas da fauna local, froitos e principalmente na poboación de abellas melíferas.

Desde a súa aterraxe no continente europeo en 2004 a progresión expansiva desta especie acabou por achegala o norte peninsular no ano 2010 e pouco tempo despois, entre 2012\13, empezaron a detectarse na Galicia costeira. Dada a súa capacidade de adaptación e expansión, esta especie comezou a tomar carta de natureza nos concellos costeiros desde os que se está espallando por todo o territorio da nosa comunidade.

A pesar dos programas de localización e retirada de niños, estes téñense amosado como insuficientes dadas as características reprodutoras desta especie invasora. Independentemente destas accións puntuais, parece evidente que as solucións para controlar e estabilizar as poboacións de velutina pasan pola investigación para dar con fórmulas de control que non teñan efectos colaterais na fauna e na flora.

Por outra banda, en relación á Comisión de seguimento da avésa velutina non sabemos ata que punto é funcional e que se está a facer nela xa que, como comunican desde a Xunta de Galicia, “a Comisión de seguimento da avésa velutina non é un órgano de carácter formal senón un grupo de traballo, motivo polo cal non se levantan actas das súas reunións”. Ante esta afirmación, non cabe outra que reclamar que se levanten actas das reunións da Comisión de seguimento para tratar de facela o máis operativa posible, achegando os resultados dos debates da comisión á cidadanía en xeral e aos afectados en particular.



PARLAMENTO DE GALICIA  
REXISTRO XERAL ENTRADA  
Data asento: 23/05/2018 13:26  
Nº Rexistro: 31261  
Data envío: 23/05/2018 13:26:08.737



---

**Grupo Parlamentario**

Por iso o Grupo Parlamentario dos Socialistas de Galicia presenta a seguinte proposición non de lei:

O Parlamento de Galicia insta o Goberno galego a:

---

Partido dos  
Socialistas  
de Galicia

1º. Crear unha Comisión Técnica de Seguimento da avespa velutina na que estea representada a Xunta de Galicia, a Fegamp o Laboratorio Fitopatolóxico de Galicia e as asociacións apícolas de Galicia.

2º. Remitir ao Parlamento as actas das reunións celebradas pola Comisión de seguimento da vespa velutina, para o seu traslado aos deputados e deputadas da Comisión 7ª.

Pazo do Parlamento, 23 de maio de 2018

**Asinado dixitalmente por:**

**Jóse Manuel Pérez Seco na data 23/05/2018 13:21:59**

**José Antonio Quiroga Díaz na data 23/05/2018 13:22:12**

**Xoaquín María Fernández Leiceaga na data 23/05/2018 13:22:24**

Reunión da Comisión 7ª, Agricultura, Alimentación, Gandería e Montes

Día: 21.06.2018

Hora: 10:30

Orde do día

1.6 31670(10/PNC-002568)

Grupo Parlamentario dos Socialistas de Galicia

Quiroga Díaz, José Antonio e Pérez Seco, José Manuel

Sobre as actuacións que debe levar a cabo o Goberno galego en relación coa investigación dirixida á produción do parasito "Torymus sinensis" na cantidade necesaria para afrontar a praga da avespiña do castiñeiro, así como o seu avance e impacto

*Publicación da iniciativa, 316, 06.06.2018*



Grupo Parlamentario

Á Mesa do Parlamento

O Grupo Parlamentario dos Socialistas de Galicia, por iniciativa dos seus deputados, José Antonio Quiroga Díaz e José Manuel Pérez Seco, a través do portavoz e ao abeiro do disposto no artigo 160 do Regulamento da Cámara, presenta ante esa mesa a seguinte proposición non de lei para o seu debate na Comisión 7ª.

Partido dos  
Socialistas  
de Galicia

Os castiñeiros (*castanea sativa* das familia das fagáceas) son árbores cunha orixe foránea, parece que chegaron á península da man dos romanos.

A madeira de castiñeiro ten ganado un importante lugar dentro da construción e do mobiliario, e o seu produto estrela, a castaña, axudou a calmar a fame de xeracións enteiras de galegos e galegas.

Pronto colleron carta de natureza na nosa xeografía e xa desde a época medieval aparecen nas referencias forais como un cultivo de produción, que co paso do tempo ganaron importancia na dieta das poboacións ao longo e ancho da xeografía galega e só coa introdución e o espallamento dun novo cultivo como a pataca foron perdendo peso na dieta dos nosos devanceiros. Ata ben entrado o século XIX a castaña mantivo unha gran presenza como alimento básico.

Ben sexa como madeira e sobre todo como produción de castaña, nas últimas décadas veuse revelando como unha alternativa crible para as economías agrarias, ben como produción principal e sobre todo como un complemento de rendas que axuda a equilibrar as contas de moitos habitantes do rural.

O castiñeiro non está libre de enfermidades e pragas como a da tinta, chancro e recentemente a avespiña. Con respecto ao chancro (*Cryphonectia parasitaria*) desde hai uns anos aplícase un tratamento de éxito con cepas hipovirulentas que se empezaron a aplicar a partir de 2003, pero foi a partir de 2011 cando a súa aplicación se empezou a xeneralizar en soutos públicos e privados cun considerable nivel de éxito.

Ademais desta problemática os castiñeiros teñen que afrontar ao día de hoxe unha praga como a da “avespiña do castiñeiro” que tivo un forte impacto en Italia onde practicamente afectou á totalidade dos castiñeiros provocando a perda da produción de castaña. Froito desta situación puxeron en marcha o combate da praga coa loita biolóxica a base da solta do seu parasito o “*Torymus Sinensis*” con notable éxito.



## Grupo Parlamentario

Os soutos e castiñeiros galegos levan rexistrando nos últimos anos a presenza da avespiña que a día de hoxe está practicamente estendida pola nosa xeografía presentando porcentaxes de incidencia cada ano máis altos ata o punto de constituír a máis seria ameaza para a produción de castaña.

Partido dos  
Socialistas  
de Galicia

A Consellería empezou o combate desta nova praga en 2016 coa solta de *Torymus* no ano 2016, pero dun xeito experimental e logo no ano 2017, pero sempre en cantidades claramente insuficientes como para frear a expansión da avespiña que cada ano coloniza máis árbores e que de non combatela eficazmente ameaza con desfeita dos soutos e provocar o colapso da produción de castaña.

Por iso o Grupo Parlamentario dos Socialistas de Galicia, presenta a seguinte proposición non de lei:

O Parlamento de Galicia insta o Goberno galego a:

1º) Fomentar a investigación en centros propios ou en convenio con outras institucións, incluída e universidade para a produción de *Torymus* a escala suficiente para facerlle fronte á praga da avespiña.

2º) Dotar unha partida orzamentaria, antes de que remate 2018, que permita investigar sobre a produción de *Torymus* a escala suficiente para frear e reducir a praga da avespiña.

3º) Facer unha solta masiva e suficiente de *Torymus* para frear o avance da avespiña e reducir o seu impacto.

Pazo do Parlamento, 31 de maio de 2018

**Asinado dixitalmente por:**

**José Antonio Quiroga Díaz na data 31/05/2018 10:45:10**

PARLAMENTO  
DE GALICIA



**PARLAMENTO DE GALICIA**  
**REXISTRO XERAL ENTRADA**  
**Data asento: 31/05/2018 10:52**  
**Nº Rexistro: 31670**

Data envío: 31/05/2018 10:52:20.615



---

**Grupo Parlamentario**

**Jóse Manuel Pérez Seco na data 31/05/2018 10:45:25**

**Xoaquín María Fernández Leiceaga na data 31/05/2018 10:45:36**

---

Partido dos  
Socialistas  
de Galicia

---

Reunión da Comisión 7ª, Agricultura, Alimentación, Gandería e Montes

Día: 21.06.2018

Hora: 10:30

Orde do día

1.7 31716(10/PNC-002577)

Grupo Parlamentario do Bloque Nacionalista Galego

Rivas Cruz, José Luis e 5 máis

Sobre as actuacións que debe levar a cabo o Goberno galego en relación coa empresa pública Seaga, a experiencia e as condicións laborais do seu persoal

*Publicación da iniciativa, 316, 06.06.2018*





BLOQUE  
NACIONALISTA  
GALEGO

OFICINA PARLAMENTAR  
Parlamento de Galiza  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



PARLAMENTO DE GALICIA  
REGISTRO XERAL ENTRADA  
Data asento: 31/05/2018 13:02  
Nº Rexistro: 31716  
Data envío: 31/05/2018 13:02:32.600

### Á Mesa do Parlamento

O Grupo Parlamentar do Bloque Nacionalista Galego (BNG), a iniciativa das deputadas e deputados **Xosé Luis Rivas Cruz, Montserrat Prado Cores, Luis Bará Torres, Ana Pontón Mondelo, Olalla Rodil Fernández e Noa Presas Bergantiños**, ao abeiro do disposto no Regulamento da Cámara, presenta a seguinte **Proposición non de lei para o seu debate en Comisión.**

#### EXPOSICIÓN DE MOTIVOS

A empresa pública Seaga leva sendo unha peza clave no conxunto do dispositivo de prevención e extinción de Incendios Forestais dos últimos 11 anos. Oito deles con Conselleiros nomeados polo actual Presidente da Xunta.

A empresa pública Seaga leva sendo unha peza clave/importante no conxunto do dispositivo de prevención e extinción de Incendios Forestais dos últimos 11 anos. Oito deles con Conselleiros nomeados polo actual Presidente da Xunta.

O dispositivo de Seaga organízase en función das necesidades marcadas pola propia Consellería do Medio Rural, actúa baixo o mesmo mando que o dispositivo de SPDCIF da Consellería e de xeito conxunto co mesmo. A estas alturas non é algo esóxeno e alleo ó mesmo.

A experiencia, profesionalidade, sacrificio e eficacia dos seus membros ten sido demostrada nas súas actuacións no combate directo contra o lume que afrontaron en todas estas campañas pasadas.

O desperdicio de recursos económicos e humanos que suporía, para a o sector público galego, o desprenderse do capital humano no que a propia Consellería estivo

investindo nos últimos anos (formación, experiencia, capacidades...), e do organizativo e estrutural que a entidade posúe.

A capacidade organizativa e estrutural, a experiencia acumulada polo seu persoal título individual e colectivo non é substituíble por brigadas formadas circunstancialmente polas administracións locais que estivesen dispostas a facelo.

Se temos en conta as denuncias das organizacións sindicais, acerca das condicións salariais dos traballadores da empresa, tampouco se pode argumentar unha cuestión económica e de aforro para prescindir do dispositivo de Seaga. E dado que Seaga, como empresa pública da Xunta de Galicia, non ten como obxectivo principal a xeración de beneficios económicos (que en todo caso volverían a reverter nas propias arcas da administración galega), enténdese que o custo unitario deste dispositivo debería ser máis económico, ou en todo caso á par que o dispositivo do persoal da Consellería.

O perfil e as características do persoal de Seaga fai que poidan desempeñar outros labores fundamentais para o medio rural galego, baixo as directrices axeitadas da Consellería do Medio Rural, en temas non tan só de prevención e extinción de lumes, senón tamén en moitos outros agroforestais, medioambientais, de sanidade vexetal e animal, de emerxencias.... A xeito de exemplo o persoal de Seaga podería estar realizando para distintas administracións traballos de control e erradicación de pragas (nespra velutina, polilla guatemalteca das patacas, picudo das palmeiras, pragas forestais.....), control de biomasa forestal onde a administración local non dispoña de recursos, xestión e mantemento de montes de titularidade pública e/ou colaboración coas CMVMC, traballos en espazos naturais galegos, etc.....etc....

Resulta irracional, e fóra de toda lóxica de xestión axeitada dos recursos públicos, prescindir do capital humano que a propia Consellería formou nestes anos a traveso de Seaga e para o que destinou recursos públicos.



BLOQUE  
NACIONALISTA  
GALEGO

OFICINA PARLAMENTAR  
Parlamento de Galicia

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



PARLAMENTO DE GALICIA  
REXISTRO XERAL ENTRADA  
Data asento: 31/05/2018 13:02  
Nº Rexistro: 31716  
Data envío: 31/05/2018 13:02:32.600

Faise de todo necesario que se habiliten as disposicións necesarias pra que se modifique a normativa actual, e a experiencia destes traballadores e traballadoras sexa baremable á hora da súa inclusión nas listas de contratación da Xunta de Galicia.

De non ser feito así ímonos atopar coa situación perversa, provocada por unha decisión política, de que os traballadores que puxeron en risco as súas vidas traballando cóbado con cóbado na primeira liña de combate contra os lumes forestais, baixo o mesmo mando, de xeito coordinado polos mesmos responsables, sometidos ós mesmos riscos e ós mesmos sacrificios, a Conselleira vainos a dividir en dúas castes: traballadores de primeira e de segunda, en función de quen lles fixese o contrato nesa campaña, e non do traballo que leven desempeñado na súa vida profesional. De xeito coloquial e para que se entenda ben: *“se te contratou un Distrito Forestal “váleme” a túa experiencia e puntúocha nas listas, pero si te contratou Seaga nese mesmo Distrito, e fuches ós mesmos lumes có teu compañeiro da “Xunta”, e a pesar de que compartiches día e noite con el os seus traballos e riscos, non me “vale” a túa experiencia e non cha puntúo.*

Os contratos nas brigadas municipais si lle son recoñecidos e baremables, independentemente de se foron ó “lume” ou non. É dicir, se o Goberno Galego non adopta as medidas oportunas para emendar esta eiva, a Conselleira estará mandando a seguinte mensaxe: *só recoñezo os méritos dos traballadores que contrataron os Concellos, e dos que a Consellería contratou directamente, pero non a dos traballadores que traballaron para a Consellería a través do seu medio propio como é a empresa pública Seaga.*

Por todo o exposto, o Grupo Parlamentar do BNG presenta a seguinte proposición non de lei para debate en comisión:



“O Parlamento galego insta á Xunta de Galiza a:

-Mantemento da empresa pública Seaga.

-Habilita-las disposicións necesarias para que se modifique a normativa actual, e a experiencia dos traballadores e traballadoras de Seaga sexa baremable á hora da súa inclusión nas listas de contratación da Xunta de Galicia.

-Aplica-lo V Convenio ó persoal de Seaga.

-Elimina-lo protocolo que establece tarefas de prevención e extinción no período de risco de incendios forestais.”

Santiago de Compostela, 31 de maio de 2018

Asdo.: **Xosé Luis Rivas Cruz**

**Montserrat Prado Cores**

**Noa Presas Bergantiños**

**Olalla Rodil Fernández**

**Luis Bará Torres**

Deputadas e deputados do G.P. do BNG

**Ana Pontón Mondelo**

Portavoz do G.P. do BNG

**Asinado dixitalmente por:**



BLOQUE  
NACIONALISTA  
GALEGO

OFICINA PARLAMENTAR  
Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REXISTRO XERAL ENTRADA**  
**Data asento: 31/05/2018 13:02**  
**Nº Rexistro: 31716**  
Data envío: 31/05/2018 13:02:32.600

**Xose Luis Rivas Cruz na data 31/05/2018 12:55:53**

**María Montserrat Prado Cores na data 31/05/2018 12:55:58**

**Noa Presas Bergantiños na data 31/05/2018 12:56:00**

**Xosé Luis Bará Torres na data 31/05/2018 12:56:04**

**Olalla Rodil Fernández na data 31/05/2018 12:56:09**

**Ana Pontón Mondelo na data 31/05/2018 12:56:12**